

ΤΗ ΚΙΦΑΛΙ ΚΑΙ ΤΗ ΠΟΔΑΡΙ

..... και τερεί σον ουρανόν.

Μ' ανασπάλκουστων. Οι Γερμανοί, οι Άγγλοι, οι Ιταλοί ποτέ κι ήταν φίλ' εμουν. Ίλαμ οι Γερμανοί. Εφρούσαν εμας και ακόμαν φρούσαν εμας, για τ' από πάντα αραεύ'νε κι ευρίκ'νε μαχανάδες για να ξεπαστρέύ'ν εμας. Εσέγκανε το 1914 τη Τουρκάντας να σκοτών'νε μας ατότε, για να γουρταρεύκουνταν κι ατοίν πα ας εμάς....! Εθάρναν ότι θα χάμες ας σην γήν απάν', αλλά εχπαράγανε. Εδέβανε ας ατότε κι αν ενενήντα χρόνια, κι εμείς άναβα ντο εγλύτωσαμε, επρωώδεψαμε κέλα.! - Αοίκον άτιμον μιλάτ' να είμες.- Ατό εφρούσανε κι ατότε, από φρούσανε κι ατώρα. Εθαμάγανε και κάπως πρέπ' να ευρίκ'νε εναν τῶαρέν και παστρεύ'ν εμας..... Άρεσε με που οι Γερμανοί θέλ'νε να πουλούμ' ας τα νησία μουν. Ναι, πουλούμε τα Ίμια, ελάτε πάρτ'ατα..... Αν κι επορούν να εφτάν'νε μας ατοίν ζεμίαν θα στείλ'νε μας τη Τουρκάντας ξαν να σπάζ'ν εμας. Ατά τα ῥκυλία πα άμον καρτάλα τριυλίσκουνταν εμας, και αναμέν'νε πότε θα ψοφούμε για να ρούζ'νε απάν σο λάῥ'ν εμουν και ταρταγανίζ'ν ατο με τα χοντροκούδουκα τουν....!

Ατοίν παλαλοί είναι. Ατόσα πολέμους και ζεμίας εδέβαν από πάν'ι μουν, κι ατόσα φορές επάτεψαμε, κι ατώρα θα φρούμ' ας;

Ας έν..... Αρ είπ' ατο ῥίλα φορές και θα λέγ' ατο άλλα ῥίλα.

Ατοίν καλά εφτάνε. Ατοίν - οι Γερμανοί - είναι νυκοκυραίοι και τερούν την κεντίν ατων. Εμείς είμες άμον τῶολ χαμαιλέτε. Να είχαμε πολιτικούς που έτῶουζαν την Ελλάδαν, ατόσα χρόνια που κυβερνούν εμας, ατώρα θα εζήναμε άμον βασιλιάδες. Τεμετέρ' έξεραν μανάχον να τρώνε να πίν'νε, να συφαγιάζ'νε με τοι ποπάδες και με τοι καλοέρ'τς, να λάσκουνταν με τα αερόπλινα "δημοσία δαπάνη", να πλερούσαν δεκαέξ' μισθούς, να ταλανίζ'νε τα παράδες τη κοσμί, και να εβγαίν'νε σα τηλεοράσεις άμον πλυμένα μαντήλα. Αλλά από εν. Το χαμελόν το άλογον όλ' καλκεύ'ν ατο. Εναν τογρίν δουλείαν καμίαν κι εποίκανε.

Ίνταν θα εποίνανε πρώτα θα ετέρναν πόσα και από που θα τρώνε. Έναν στράταν πέντε χιλιόμετρα εποίνανε, και ας σην στράταν απάν έτρωγαν δέκα νοματαίοι. Σο τέλος, όταν θα ετελείωνεν η στράτα, θα είχεν έξ' μέτρα φάρδος, πέντε πόντους χαλίκ', και ενάμ'ς πόντον πίσσαν..! Άναβα ντο επλήρωναμ'ατον χρυσόν, σα πέντε μήνας εποίνεν αυλάκα ας σα φορτηγά, και εγομούσουν κουϊά. Και όταν ας έναν στράταν πέντε χιλιομέτρων τρώνε παράδας, βάλτεν με τ' αχούλα σουν ντο έντον με τα έργατα τη ολυμπιάδας...! Ολυμπιακούς αγώνες πα εθέλναμε οι τσιπλάχ'. Και ντο ολυμπιακοί, και ντο ΟΣΕ, και ντο siemens, και πόσα να λέω ακόμαν. Αλλά εμείς πα έχωμε φταίξιμον. Εμείς, ο κόσμον. Ατουνούς εμείς εφήφζαμ' ατς. Αοίκ'ς εθέλναμε. Ατώρα θα πλερώνωμ' ατς, λάχ βάλωμεν αχούλ'.

Και καλά τεμετέρ έφαγαν και ερήμαξαν. Τολάϊστο ας είχαν τακάτ και έσκωναν την λαλίαν ατουν, και εσουνορθίαζαν τη Γερμανούς πά και ολουνούς πά. Αλλά ποίος θα ανοί το στόμαν ατ' και ντο θα λέει; Όλ' εξερμέν' ήταν. Τα σκατοφάϊας και τα σκυλοδουλείας ντο εποίνανε έξεραν ατα όλος ο κόσμον. Τα κώλα τουν είναι σκατωμένα. Ντο επορούν και λένε; Αξέστεν ντο είπεν ο πρωθυπουργός εμουν: "Το θέμα των Γερμανικών αποζημιώσεων και επανορθώσεων παραμένει ανοιχτό, αλλά στην τρέχουσα συγκυρία η χώρα μας δεν θα το ανακινήσει για να μην φανεί ότι αναζητεί εύσχημο και ανέξοδο άλλοθι εξόδου από την κρίση". Και οι Γερμανοί ας άλλο το μέρος λένε: "Δεν χρωστάμε αποζημιώσεις στην Ελλάδα. Μια συζήτηση για το παρελθόν δεν συμβάλει καθόλου στην επίλυση των προβλημάτων της Ελλάδας, και δεν έχει καμιά σχέση με την σημερινή Ελληνική κρίση". Αντρέας Πέσκε. Εκπρόσωπος του Γερμανικού Υπουργείου Εξωτερικών.... Τεμάκ να μη τaráζωμ' ατο. Όπως λέει και έναν παροιμίαν εμουν, το σκατόν μη τaráεις ατο γιατί βρωμά.

Ο ένας λέει να μη τaráζωμ' ατο, ο άλλος λέει εντάξει είμεσ, κι εμείς θα σύρωμε ξαν τα τέρτα τα βάσανα και τα καμονάντας. Ζατίμ έμαθαμε πάντα εμείς να πλερώνωμε τα κλεψίματα και τα σποταλέσα

ατεινέτερον. Χρωστώ και κι χρωστούνε με αν θέλω παίρω κι άλλα, λέει έναν παραδοσιακόν τραγωδιάν εμουν.... Ατού σην Τραπεζούνταν πα οι άρχοντες τα ίδια εποίναν για τ'ατό εξέγκαν από την τραγωδιάν. Και ξέρετεν. Τα τραγωδίας εμουν εξέβαν απές ας σην ζωήν, ίλαμ τα παραδοσιακά. Ατώρα κάποιος θα ρωτά. Καλά, από παραδοσιακόν εν; Πως κι εν, λέω κι εγώ. Αδά σα καιρούς εμουν εφώτσαμε τα τραγωδίας και εποίκαμ'ατα παραδοσιακά, όπως εκείνο που λέει: Ο πεντικόν απές σ' αμπάρ' εφτάει γρίτσι γρίτσι. Αοίκον ποίησην. Αοίκος στίχος. Και έναν νέον τραγούδ' που εξέβεν ατώρα - ατο ακόμαν κι έντονε παραδοσιακόν, ίσως αργότερα, όταν τύχει θερμής υποδοχής από τους νεοπόντιους. - λέει: Καλίον σα εξάρχεια παρά σ' άγιον όρος - κάπως αέτς - θα ζώσκουμε τρυγόνα μου γκαζάκια και μολώτοφ.....!!!! Άκρατος λυρισμός, όπως λέει και ο Κώστας Διαμαντίδης. Έγγεψα τα τραγωδίας και εντώκεν σο νούμ' ατώρα εκείνος ο γιοσμάς που εξέβεν σην τηλεόρασην και εχόρευεν Σέρα χορόν με τα φέσα και τα σαλβάρα...!!! Πω,πω,πω..... έξαψεν η κοτύλα μ' ξάν' Ντο έλεγα και ψέμαν κι έτον; Ναι..... Κράτος εν από τεμέτερον; Όποιος καλατσεύ' μ' αρθωπιζόν λαλίαν χρωστούμ' ατον. Το έλλειμμαν επαρεδέβ'εμας. Ελάγκεψεν σο 12.7% του ΑΕΠ. Το ΑΕΠ θε να λέει, Ακαθάριστο εγχώριο Προϊόν, η κατ' άλλους Αητέν'τς ΕΠεριπέτανεν..! Κι από γιατί εβγάλναμε πέντε και έτρωγαμε δέκα..!! Και για να τρώμε δέκα πρέπ' να παίρωμε δανεικά. Και ατά ντο χρωστούμε θα πλερώνωμ' ατα εμείς, τα παιδία μουν, και τα εγγόνα μουν.... Όλα ήταν σαπεμένα. Το δημόσιον, το εθνικόν σύστημαν υγείας, τα δημόσια έργα, οι ΔΕΚΟ, ο στρατός, το κοινοβούλιον όλ'. Όλα εκρεμάουσαν ας έναν ραφίδ'. Το ραφίδ' ατώρα εκόπεν κι εμείς ρούζωμε, και που θα σταματούμε κανείς κι εξέρ'. Ένουμνες κράτος περπεντούλ', παταχτσίδων, ωκνάτων, νεόπλουτων, ιδιωτικόν καναλιών, δημοσιογράφων, τηλεπαρουσιαστριών, και πούστηδων...! (Χωρίς να θέλω να προσβάλω αυτούς) Να μη ανασπάλω την πετρούλαν, και τώρα τελευταία την Ελληνίδα επιχειρηματία import export, Τζούλια.....! Τ' ομούτ' τ' Ελληνικόν έθνος και οικονομίας...! Μω την πίστη σ' να τσιλώ....! Κι ατά τα γ.....μένα τα τηλεοράσεις ολόεν

την ημέραν και την νύχταν ατέν δεικνύζ'νε. Εφέκαμε όλα και τερούμε
ατέν την γαϊδάραν ντ' άγνα τσερίεται και βαρκίζ' Λέτεν να
δεικνύζ'ν' εμας ντο θα παθάνωμε κι εμείς πά; Ήμαρτα..!

8 Μάρτ' 2010
Κεβρεκίδης Αλέξανδρος